



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. CCXXVII. De Fratre Menekone Magistro terrae Pruschiae.

urn:nbn:de:hbz:466:1-11850

corpus tuum, quo dicto statim apparuit corpus Domini in forma oblata, sicut ministratur in altari pendens in aëre, non longe ab ore suo, quod cum vidisset expavit, & dixit: Domine Jesu Christe, si oblata hæc est tuum verum corpus, transeat ad mei, & aperiens os suum, intravit, & cum inestimabili gaudio sumpsit illud.

CAP. CCXXVI.

De

Vita alterius fratris ibidem.

Eodem tempore in dicto castro fuit Wolferanus Saxo, qui dum professionem fecisset in ordine Domus Teutonicæ, & vellet proficere de virtute in virtutem, Diabolus invidens felicitati suæ nitebatur modis, quibus poterat, impedire. Undè accidit, quod dum idem frater Wolferanus in prima nocte surgeret ad orandum, Diabolus apparuit ei visibiliter, & hic, & ille, & ille, continuaverunt singulis noctibus per curriculum unius anni, sic quod Diabolus in diversis formis apparuit illi, & variis machinationibus ipsum inquietavit, & ille viriliter restitit immobilis in Dei servitio perseverans. Revoluto itaque anno cum Diabolus in illusionem hac non proficeret confusus destitit, & comparere amplius non audebat.

CAP. CCXXVII.

De

Fratre Menekone Magistro terræ Pruschiæ.

Fra-

Burchardus de Schwenden IX. Mag. Gen. Ord. Teut.

Meneko de Quersfurt XIII. Mag. Prov. in Prussia.

FRater (a) Menko de (b) Quere-
vvorde Saxo Magist. Pruschia
XIII. præfuit XI. annis. Quam glo-
riosus iste fuerit in officio suo, te-
stantur facta magnifica, quæ se-
quuntur. Totus fuit magnanimus.
Audebat enim aggredi rem ardu-
am, quam alius temerit cogitare.
Unde formidabant ipsum omnes
adversarii ejus, sic quod nec muni-
tiones, nec locorum distantia ipsos
à vindicta sua defendere potue-
runt.

Anno Domini MCCLXXXVIII.
Nicolaus Papa IV. de Ordine
fratrum minorum, & Rudol-
phus, Rex Romanorum. regnave-
runt.

(c) Eodem propè anno Tripo-
lis est destructa, captis Christia-
nis inibi existentibus & occisis;
Hoc tempore in Almannia in
Diocesi Leoviensi in villa, quæ
dicitur Erkel, quedam puella in-
cepit vivere sine cibo & potu, &
sic ultra XXX. annos vixit. Ple-
banus dictæ villa, obrulit ei obla-
tam non consecratam die, quo

consuevit corpus Domini sumere, quod non potuit deglutire; Sed resumptâ
eâ, dedit ei hostiam consecratam, quam statim deglutivit; perpendens in
hoc, quod cibum materiale non posset sumere nullo modo. Hoc tempore
fuit conflictus apud Coloniam Agrippinam, circa Villam (d) Wurmie, in
quo Joannes Dux Brabantie obtinuit victoriam contra Syfridum de Run-
kel Archiepiscopum Coloniensem, & præter communem populum ex utra-
que parte mille & CCC. nobiles ceciderunt interfecti.

ANIMADVERSIONES.

(a) In Privilegio, oppido Hollandensi dato, vocatur Meinhardus, quod
etiam nomen agnoscit & Hennebergerus.

(b) Comes de Quersfurt. Mira de nativitate ejus refert Henneb. Videlicet
Juta, mater Menekonis, Nobilem fœminam tres filios uno partu e-
nixam conspicata, & uno viro tot gigni posse liberos, negavit. Sed
è vestigio secuta est divina Nemesis. Ipsa enim paulo post uno
partu novem filios, inter quos hic Meneko, edit. Ex his octo ve-
tulæ cuidam in profluentem projiciendos tradit. Accedit oppor-
tunè ipse Comes; rogat, quid anus portet, quæ catulos se ad flu-
men portare respondit. Instat ille, ostendat, num ex iis aliqui ve-
nationibus esse possint idonei. Anus, licet invita, pueros Comiti

*Burchardus de Schwenden IX. Mag. Gen. Ord. Teuton.
Meneko de Querfurt XIII. Mag. Prov. Prussia.*

tradit, factum ordine narrat, crimenque deprecatur. Idem postea facit & uxor, veniâque impetratâ monasterium ingreditur. *Vid. Henneb. in Comment. ad Tab. Pruss. pag. 53.*

(c) Synchronismus ille de destructa Tripoli, non habetur in Jerofchino, qui videatur fol. 170.

(d) Wurungen habet Jerofchinus.

CAP. CCXXVIII.

De

Ædificatione castrorum Raganitæ & Scalovvitarum.

ANno Domini MCCLXXXIX. idem frater Meneko capiens summo desiderio Christianorum fines & terræ Pruschia angustias dilatare, cum omni potentia pugnatorum venit in die B. Gregorii Martyris ad terram Scalovvitarum, & ad laudem DEI & gloriam in quodam monte supra Memelam ædificavit castrum Landeshute, quod sonat in Latino custodia terræ, sed nunc dicitur communiter Raganita à fluvio vicino, relinquens ibi pro defensione ipsius fratrem Bertholdum de Austria, dictum Brubane, commendatorem, cum XL. Fratribus, & centum armigeris præelectis. Non longè post ædificavit Scalovvitarum Castrum in descensu Memelæ, ut Scalovvita converfi ad fidem Christi ibidem habitarent.

CAP. CCXXIX.

De

Fratre Bertholdo dicto Brubane Com- mendatore de Kunningsberg & Vita ejus.

Hic